

# GRANT GWEITHREDU DROS NATUR



YMDDIRIEDOLAETH  
ARFORDIR PENFRO

**Ymddiriedolaeth Parc Cenedlaethol Arfordir Penfro yw elusen swyddogol Parc Cenedlaethol Arfordir Penfro. Rydym yn sefydliad annibynnol a lywodraethir gan fwrdd ymddiriedolwyr ymreolaethol a phrofiadol sy'n goruchwyllo ein gwaith.**

Mae'r Ymddiriedolaeth wedi ymrwmo i gefnogi'r prosiectau gorau a gyflawnir gan y bobl orau a phrosiectau sy'n cael eu llywio gan Gynllun Rheoli Parc Cenedlaethol Arfordir Penfro, gan y cymunedau lleol a gan arbenigwyr amgylcheddol a threftadaeth.

Ein hamcanion elusennol yw:

- Hyrwyddo cadwraeth, gwarchodaeth a gwella Parc Cenedlaethol Arfordir Penfro a'r ardaloedd cyfagos gan gynnwys bywyd gwylt yn y Parc Cenedlaethol.
- Hyrwyddo'r addysg am bwysigrwydd y Parc Cenedlaethol, y bywyd gwylt sydd yn y Parc a'r tirweddau naturiol.
- Hyrwyddo iechyd corfforol a meddyliol y cyhoedd, gan gynnwys annog pobl i gerdded a gwneud ymarfer corff yn y Parc Cenedlaethol.
- Hyrwyddo darparu'r cyfleusterau ar gyfer hamdden neu amser hamdden arall er budd lles cymdeithasol a gyda'r nod o wella amodau bywyd.

Bydd pob grant a ymgwymerwn yn cyflawni ein hamcanion elusennol.

## 1. Diben y Gronfa

Gall grwpiau cymunedol wneud cais am hyd at £500 am grant bach 'Gweithredu dros Natur' ar gyfer prosiectau sydd â champau cadarnhaol o weithredu ar gadwraeth ym Mharc Cenedlaethol Arfordir Penfro a'r cyffiniau.

Rhaid i brosiectau a ariennir gyflawni un o'r canlynol:

- Camau cadarnhaol o weithredu ar gadwraeth neu newid yn yr hinsawdd.
- Cefnogi bioamrywiaeth.
- Addysg ar unrhyw un o'r uchod.

Ymhlith yr enghreifftiau o'r math o brosiect y gallai'r gronfa ei gefnogi mae: creu dolydd blodau gwylt ar ddarnau bach o dir comin/tir cyhoeddus. Offer ar gyfer ysgolion, megis chwyddwydrau, citiau tai adar, coed ifanc i'w plannu mewn perllan gymunedol, a chasglu sbwriel neu offer glanhau traethau - yn ogystal â champau gweithredu sy'n unol â'n hymgyrchoedd cyfredol.

## 2. Pwy all wneud cais

Sefydliadau nid-er-elw yn Sir Benfro sydd â chyfrif banc yn enw'r grŵp, gan gynnwys elusennau, grwpiau gwirfoddol a gyfansoddwyd, cynghorau cymuned, ysgolion a chlybiau a chymdeithasau chwaraeon.

Nid yw busnesau ac unigolion yn gymwys i wneud cais.

### 3. Sut mae gwneud cais

Llenwch y ffurflen gais fer. Mae'r ffurflen ar gael, a gellir ei llenwi yn Gymraeg neu yn Saesneg. Anfonwch eich cais wedi'i lenwi atom drwy'r e-bost erbyn y dyddiad cau. Mae un dyddiad cau bob blwyddyn.

Rhowch enw eich sefydliad ym maes pwnc eich e-bost a'i anfon at [support@pembrokeshirecoasttrust.wales](mailto:support@pembrokeshirecoasttrust.wales)

Bydd y canllawiau canlynol o bosibl yn gymorth i chi lenwi'r cais. Gwnewch yn siŵr eich bod yn llenwi pob blwch. Nodir uchafswm y nifer geiriau a ganiateir. Nid oes angen i chi ddefnyddio'r uchafswm.

#### Manylion cysylltu

- Rhowch enw eich sefydliad fel y'i nodwyd yn eich dogfen lywodraethu a'ch cyfriflen banc.
- Dywedwch wrthym beth mae eich grŵp yn ei wneud.
- Ticiwch y math o grŵp/sefydliad nid-er-elw ydych chi.

#### Manylion y Prosiect

- Beth yw enw'r prosiect ac ymhle fydd yn cael ei gynnal?
- Pryd ydych chi'n bwriadu cychwyn ar y prosiect? Ni all fod wedi cychwyn eisoes; ni allwn dalu am eitemau yn ôl-weithredol.
- Pryd fyddwch chi'n gorffen y prosiect? Rhaid i'r prosiect beidio â chymryd mwy na 12 mis i'w gwblhau.
- Beth fyddwch yn ei wneud â'r arian grant?
- A ydych wedi gwneud unrhyw ymchwil am yr angen? Pwy sydd eisiau'r prosiect a sut ydych chi'n gwybod hyn?
- Ai ardal gymunedol, pentref neu grŵp o bobl fydd yn elwa? Er enghraifft, pobl ifanc, rhieni, gofawyr?
- Pa wahaniaeth fyddwch chi'n ei wneud? Sut fydd pobl neu'r amgylchedd yn elwa? Pa wahaniaeth fyddwch chi'n ei weld?
- Sut fyddwch chi'n gwybod eich bod chi wedi gwneud gwaith da? Sut fyddwch chi'n gwybod faint o bobl fydd yn elwa? Beth fyddwch chi'n ei wneud ar ddiwedd y prosiect i weld a oedd wedi gweithio?

#### Cyllideb

- Faint o arian ydych chi'n gofyn amdano? (Uchafswm o £500)
- Rhowch ddadansoddiad llawn o'r hyn y byddwch chi'n ei wneud â'r arian. Rhowch fanylion clir y costau a'r union ffigurau.
- Os na fydd yr arian grant yn ddigon i dalu'r costau yn llawn i gyflawni'r prosiect, o ble fydd gweddill y cyllid yn dod?

#### Datganiad

Ticiwch y blychau a llofnodi'r ffurflen i gadarnhau bod y manylion ar y ffurflen gais yn gywir. Dim ond person awdurdodedig, megis aelod o'r bwrdd neu bwyllgor, all lofnodi.

### 4. Pwyllgor Gwneud Penderfyniadau

Mae un dyddiad cau y flwyddyn, a bydd pob cais yn cael ei asesu a'i sgorio, a bydd penderfyniad yn cael ei wneud cyn pen 8 wythnos o'r dyddiad cau.

### 5. Cyflawni

Bydd gan brosiectau 12 mis i gwblhau eu prosiect.

Nid oes angen cyllid cyfatebol.

Bydd yn ofynnol i bob prosiect a ariannwyd lunio adroddiad diwedd prosiect gyda lluniau yn dystiolaeth.



Ymddiriedolaeth Parc Cenedlaethol Arfordir Penfro.  
Rhif Elusen Gofrestredig 1179281



LOTTERY FUNDED  
ARIENNIR GAN Y LOTERI



Llywodraeth Cymru  
Welsh Government